



Europa endet sich gegen Vidergang an dem Atlantischen meer: gegen mitternacht an dem Britanischen oder grossen Teutschen meer: gegen mittag an dem mittel oder wendel meer: gegenn auffgang an dem flus Tanaim/ denn die Scithe Silim heissenn/ Meotida odder das meer Pontus. Wiewol der kleinest theil der welt/ iedoch ann fruchtbarkeit vnd allerley frucht vnd messigkeit des lufftes/ an stetten vnd schlössern/ fürnemlich aber an kunstreichē/ artlichem, freüntlichem/ tugenthaftem volck/ alle andere teil der welt libertreffende/ als Asiam/ Aphricam/ vnd Americam. Ann der breite/ nemlich von mittag inn mittnacht/ spricht Apianus helt / Europa niendert über cccxxv. Teutscher meil/ dan da es sich ann einem mitlen ort/ mit zwoeyen flügeln schier gleich wie ein drach/ erstreckt vnnnd formiert/ die lenge aber Europe von dem flus Tanai bis ann das Gaditanisch meer/ da es am lengstenn ist/ erstreckt sich bis in dcl. Teutscher meil.

Kurtze außörterung Germa

nie/ auß Bilibaldo Birckeymero.

Siewol die landbeschreiber gemeinlich Germaniam von Gallia/ das ist Teutschland vonn Frankreich mit dem flus des Rheins scheydenn/ so ist doch gewis das die Römer auch diese prouinz/ die über Rhein ligen/ das erst vnd ander Germaniam genent haben/ das sie warlich nit gethon hetten/ wann sie den Teutschen entziehenn wolten alles so über Rhein ligen/ welche vor lang/ ee die Römer inn